

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva zdravstva, Vlada Zeničko-dobojskog kantona, na 181. sjednici, održanoj dana 25.03.2019. godine, d o n o s i

## ZAKLJUČAK

### I.

Prihvata se Mišljenje Ministarstva zdravstva, broj: 11-34-15965-17-2/18 od 11.03.2019. godine, da se u Program rada Skupštine Zeničko-dobojskog kantona za 2019. godinu, po prijedlogu Kluba vijećnika DF Vareš, uvrsti analiza stanja zdravstva u Zeničko-dobojskom kantonu, posebno sa stanovišta dugih čekanja na preglede u zdravstvenim ustanovama, kvaliteta i brzine usluge, te sve većih finansijskih izdavanja građana za zdravstvene usluge, te da se zakonom i propisima obezbjedi bolji i jeftiniji nivo zdravstvenih usluga i čini sastavni dio ovog Zaključka.

### II.

Zaključak sa Mišljenjem iz tačke I. upućuje se Stručnoj službi Skupštine Zeničko-dobojskog kantona.

### III.

Zaključak stupa na snagu danom donošenja.

Broj: 02-\_\_\_\_\_ /19  
Datum, 25.03.2019. godine  
Zenica

**PREMIJER**

*Miralem Galijašević*

DOSTAVLJENO:

1x Ministarstvo zdravstva,  
1x Stručna služba Skupštine,  
1x a/a.



Broj: 11-34-15965-17-1/18

Dana, 06.02.2019. godine

U skladu sa aktom Vlade Zeničko-dobojskog kantona broj: 02-1-34-15965-17/18 od 14.12.2018. godine, kojim je Ministarstvu zdravstva dostavljen akt Stručne službe Općinskog vijeća Vareš od 05.12.2018. godine, sa prijedlogom Kluba vijećnika DF Vareš za rad Skupštine Zeničko-dobojskog kantona za 2019. godinu, kojim u tački 7. predlažu da se analizira stanje zdravstva u Zeničko-dobojskom kantonu, posebno sa stanovišta dugih čekanja na preglede u zdravstvenim ustanovama, kvaliteta i brzine usluge, te sve većih finansijskih izdavanja građana za zdravstvene usluge, te da se zakonom i propisima obezbjedi bolji i jeftiniji nivo zdravstvenih usluga, Ministarstvo zdravstva daje sljedeće:

### MIŠLJENJE

Tačkom 7. Prijedloga Kluba vijećnika DF Vareš od 05.12.2018. godine, predloženo je da se u Program rada Skupštine Zeničko-dobojskog kantona za 2019. godinu, uvrsti analiza stanja zdravstva u Zeničko-dobojskom kantonu, posebno sa stanovišta dugih čekanja na preglede u zdravstvenim ustanovama, kvaliteta i brzine usluge, te sve većih finansijskih izdavanja građana za zdravstvene usluge, te da se zakonom i propisima obezbjedi bolji i jeftiniji nivo zdravstvenih usluga.

Prije iznošenja stava Ministarstva zdravstva po navedenom prijedlogu obrazložiti ćemo organizaciju zdravstva u Zeničko-dobojskom kantonu.

Zeničko-dobojski kanton je osnivač 4 (četiri) zdravstvene ustanove i to: JU Kantonalna bolnica Zenica, JU Zavod za medicinu rada i sportsku medicinu Zeničko-dobojskog kantona, JU Zavod za bolesti ovisnosti Zeničko-dobojskog kantona i Instituta za zdravlje i sigurnost hrane.

Zeničko-dobojski kanton je osnivač Zavoda zdravstvenog osiguranja Zeničko-dobojskog kantona, koji u skladu sa članom 52. Zakona o zdravstvenoj zaštiti („Sl. novine FBiH“, broj: 46/10 i i 75/13) provodi postupak dodjele ugovora o pruženju zdravstvenih usluga, odnosno postupak dodjele ugovora za provođenje programa zdravstvene zaštite u skladu sa Zakonom o zdravstvenoj zaštiti i Zakonom o zdravstvenom osiguranju, te propisima donesenim na osnovu ovih zakona, jedinstvenom metodologijom, propisu o sistemu poboljšanja kvaliteta, sigurnosti i akreditaciji u zdravstvu, kao i propisima o javnim nabavkama Bosne i Hercegovine.

Zeničko-dobojski kanton je susnivač Univerzitetsko kliničkog centra Sarajevo, sa kojim Zavod zdravstvenog osiguranja Zeničko-dobojskog kantona, svake godine zaključuje ugovor o pružanju zdravstvenih usluga osiguranim licima sa područja Zeničko-dobojskog kantona za usluge koje se ne mogu obaviti u ugovornim zdravstvenim ustanovama Kantona.

U skladu sa članom 54. stav 3. Zakona o zdravstvenoj zaštiti, općinska vijeća su osnivači domova zdravlja na području Kantona.

Ministarstvo zdravstva smatra da su razlozi izneseni u prijedlogu Kluba vijećnika DF Vareš opravdani, te da je zatražena analiza veoma kompleksna, obzirom da treba obuhvati sve javne zdravstvene ustanove na području Kantona.

Imajući u vidu navedeno Ministarstvo zdravstva predlaže Vladi Kantona da imenuje radnu grupu koja će biti zadužena za izradu analize stanja u zdravstvu i sačinjenu analizu dostavi Ministarstvu zdravstva, radi upućivanja iste na razmatranje Vladi i Skupštini Kantona.

Ministarstvo zdravstva predlaže Vladi Kantona da u sastav radne grupe imenuje direktore sljedećih javnih zdravstvenih ustanova:

1. JU Kantonalna bolnica Zenica i Opća bolnica Tešanj, sa zadatkom da pripremi analizu stanja u zdravstvu s aspekta pružanja bolničke zdravstvene zaštite i lista čekanja,
2. Instituta za zdravlje i sigurnost hrane, sa zadatkom da pripremi analizu stanja u zdravstvu s aspekta javnog zdravstva i provođenja kontrole pružanja zdravstvenih usluga od strane javnih zdravstvenih ustanova,
3. Zavoda zdravstvenog osiguranja Zeničko-dobojskog kantona sa aspekta finansiranja ugovornih zdravstvenih ustanova,
4. većih domova zdravlja i to: JU „Dom zdravlja“ Zenica, JU „Dom zdravlja“ Maglaj i JU „Dom zdravlja“ Visoko, sa zadatkom da pripreme analizu stanja u zdravstvu s aspekta pružanja primarne zdravstvene zdravstvene zaštite i konsultativno specijalističke zdravstvene zaštite koju pružaju svi domovi zdravlja u okviru svoje djelatnosti na području Kantona i
5. predsjednika Ljekarske komore Zeničko-dobojskog kantona, sa zadatkom da sa aspekta djelokruga rada Komore pripremi analizu stanja u zdravstvu.

Zadatak svih članova radne grupe treba biti i objedinjavanje pojedinačnih analiza i sačinjavanje prijedloga zaključaka koji treba da doprinesu poboljšanju stanja u zdravstvu.

Imajući u vidu opravdanost prijedloga Kluba vijećnika DF Vareš, Ministarstvo zdravstva predlaže Vladi Kantona da usvoji predloženo Mišljenje i uputi u dalju skupštinsku proceduru.

S poštovanjem!

Dostaviti:  
1x Naslovu,  
1x a/a

MINISTAR  
dr Dragoljub Brenjo